

1260, octubre, 29

Beatriu de Medinyà enfranqueix els homes de Toralles de trigar les prestacions que rep d'ells fora del terme de Toralles, per 150 sous.

ASD núm. 183, còpia de 1315, 300 x 260 mm.

Hoc est translatum fideliter sumptum sexto idus nouembris anno Domini millesimo .cec. quintodecimo a quodam instrumento cuius tenor talis est. Sciant cuncti quod ego domina Beatrix de Midiniano per me et per omnes heredes · et successores meos facio franchos et immunes uos et omnes homines et feminas presentes et futuros, habitantes in parrochia Sancti Martini de Toraliis, scilicet de omnibus traginis et operibus eo uidelicet quod uos tenebamini mihi et meis portare omnes census et expleta et taschas et iura uniuersa que in dicta parochia accipio, apud Midinianum uel alibi ubi ego et mei· uolebamus, ita_ quod amodo uos uel heredes aut successores uestri numquam teneamini mihi uel meis heredibus uel successoribus facere aliquas traginas uel aliquas operas nec teneamini michi uel meis unquam portare extra uillam siue parochiam de Toraliis census et expleta et iura et taschas panis et uini que in dicta parochia de Toraliis accipio et accipere debeo, set ipsos census et taschas et iura mea teneamini semper portare mihi et meis apud cellarium meum quod habeo iuxta ecclesiam de Toraliis et non alibi. Retento tamen et obseruato mihi et meis quod uos et uestri teneamini semper et quolibet anno stringere et lauare nostro de Toraliis, in quibus possimus mittere et seruare nostros racemos et nostrum uinum, et tunc quando lauaueritis et strinxeritis dictas tinas et uexellos ego et mei teneamini dare ad comedendum de pane et uino et caseo illis uestrum qui dictas tinas et uexellos strinxeritis et lauaueritis. Retento etiam michi et meis quod si forte ego et mei unquam operati fuerimus apud Toralias, tunc uos et uestri teneamini me et meos iuuare ad illqd opus, et tunc ego et mei teneamur dare uictum siue conductum. Item per me et per omnes heredes et successores meos facio uos et uestros franchos et immunes in perpetuum uidelicet quod numquam teneamini michi nec meis dare uinum de taschis ad tinas uestras, set de cetero teneamini michi et meis semper dare racemos de taschis sicut inde michi exierit, quos tamen racemos de taschis teneamini michi et meis portare ad dictum cellarium meum de Toraliis. Et quando collegeritis uestros racemos teneamini dare meis retroguardis qui ibi fuerint ad comedendum panem et uinum et caseum, promittens bona fide et sollempni stipulacione quod contra has franchitates uobis a me sponte factas non ueniam palam uel occulte aliqua arte uel maxinacione per me uel per personam aliquam subrogatam,unde scienter et consulte renuncio omni iuri diuino et humano per quod me uel meos contingeret in futurum hiis franchitatibus obuiam ire possem, pro quibus franchitatibus confiteor a uobis recepisse et penes me habuisse centum quinquaginta solidos barchinonenses monete ternalis, de quibus a uobis bene per paccatam me teneo et contentam, renunciando excepcioni predicte pecunie non numerate uel tradite et omni alii mihi competenti iuri, et si plus inde habere deberem, illud plus totum dono uobis et uestris donacione inter uiuos. Et ad maiorem uestri uestrorumque cautelam, iuro per Deum et eius sancta .nu.or Euangelia corporaliter et sponte tacta omnia et singula supradicta attendere et complere et unquam in contrarium non uenire.

Actum est hoc .III. kalendas nouembris anno Christi .Mcc sexagesimo.
Sig+num domine Beaticis de Midiniano predicte, que hoc firmo et iuro ac laudo. Sig+num
Bernardi de Uillafredario, militis, sig+num Arnalli de Recco de Camporotundo, sig+num
Petri de Toraliis de Castrofollito, testium. Sig+num Guilielmi de Pomerio, baiuli, qui hoc
firmo et laudo.
Sig+num Bernardi de Oliueta, qui hoc scripsit. (s. man.) Guilielmus de Fornellis, publicus
scriptor Campirotundi, subscribo.
Eg(s. man.)o Petrus Burgesii, publicus notarius substitutus auctoritate regia a Raimundo
Simonis de Toilano, publico Gerunde notario, hoc feci fideliter translatari et cum autentico
comprobaui. Sig(s. man.)num mei, GuHielmi de Deo, iudicis ordinarii Gerunde, qui presens
translatum cum suo originali fideliter comprobaui et auctoritate iudicali subscribo.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 383-385